

Preek "CARNAVAL"

CARNAVAL openingswoord

Oos durp is jans vaan de toere,
't hingt aajesjlaage op alle duure en moere:
d'r carnaval jeet bejinne.
Drum wille vuur zinge en springe
Iech begrus d'r road vaan elf
De Tanzmarieches mit prins Daan, himself.
De Eersteling hant Jennifer en Coen oetverkore
Nit vergaete wil iech de dames en heren Senatoren
Ooch 't Boerebroedspaar Truus & Remy en hun janse kompanei
En jidderinge dae is vaan de partei.
De sjpass kapel mit dae komische naam
Dae iech heij nit oetsjpraechen kaan.
Vuur wille heij danke en baene,
En vroage d'r Heerjot um oos tse zaene.
Vuur de kollekte kriegt uur nog de kans.
En namens de senatore sprikt noe d'r lange Frans.

collecte

Noen waed ing collecte aajezaat.
Dat is noen eemoal aajebraat
De kirch is jestoacht, janz werm
Mer, leider, de is kirch is mer erm.
't is waal crisis, mèr wie uvveral bliekt,
op inge cents waed evvel nurjens jekiekt:
Iech woal uuch noe vroage
um die sjoal ins jot schwoar tse losse woage
Maach die buesj mer leeg en kiept ze um
Vuur zunt uuch janz dankbaar drum.
Gef ozze zahlmeester en ooch de kollektante de sjpas
Um ing vol schoal tse kinne kiepe in de kas.
Deut dat noen ins jans jeweun
Dan saan iech freundliech: Dankeschön.

sjloes

De drei dol daag junt noen bejinne.
Vuur maache spass, wie vuur mer spass maache kinne.
Vuur sjoenkele en vuur sjpringe
en kinne ooch noch sjun lidsjere zinge.
Wae vuur 't äsjekruutsje koome kint,
wees dat daan de vaaste bejint.
Maacht noe sjpass en maacht plezeer
Fein daag, dat wunsj iech uuch geer.

Es pastoer zaag iech noen loestig en doch braaf:
Alaaf, alaaf, alaaf.

praedig

D'r vasteloavend is wèr in het land
en noen mot alles aan de kant.
Noen is 't tsiet vuur sjpas en plezeer.
Noen sjpringe vuur drei daag op en neer.

Prins Daan woëd oesjerofe es prins paeperkook
ooch al vong jidderinne dat de kook gaar nit sjmook.
Want Daan hat Peijnenburg als sponsor oetverkore
mèr mit dae sponsor zunt vuur allemoal verlore.
Taege die reklaam vaan Peijnenburg wil iech protestere
en ins get jans angesj goan bewere.

Peijnenburg,- iech maach jing wietse -
liët ee klee junke hinger inge paeperkooch aa fietse.
Hat dat junke d'r paeperkook eemoal in d'r moond plekke,
daan liet hae ziech durch dat junke d'r berg optrekke.
Peijnenburg deed niks angesj wie de kinger ploage
durch ze inge jroese peaperkooch tse beloave.

Wae Prins Daan feliciteerde mit jluckwunsche in alle moate
moët ziech als orde ee 'plakje Peijnenburg' umgehange loate.
Dat 'plakje Peijnenburg' is mèr dun en hat gein gewiech.
Veur 'ne Vlorper Prins is dat ooch jee jeziech.
Inge Vlorper jong hilt vaan kook en vaan vlaai
oet eigen bekkerie, mèr nit vaan dae'hollandse taaitaai'.
Nee leeve Prins Daan,
zeuk diech inge angere sjpreuk vuur dien prinsevaan.

Leeve Prins Daan, bis mèr nit bang:
dat iech diech ooch inge paeperkooch umhang.
Bis mèr nit bang:
vaan miech kriegst doe ing richtiege vasteloavendsspjang.
Die spjang kunt oes 't sjunste plaetsje dat d'r Herrejot hat jemaat.
Dat plaetsje is noch schunder, wint Roda veul joole maat.
Koam noen noa miech noa boave en bis ins nit bang
damit iech diech noen ing richtige spjang umhange kann.

D'r Road vaan elf laeft nit alling op inuitie
mèr hat ooch jeveul veur traditie.
Ze blieve nit vaan wiets winke,
Mèr zunt miech inge haas koame schinke.
Eee dink kan iech zeker saage,
dat miech dae haas zeker zal sjmaake.

Mer ooch wille vuur huj tse loestere waage
noa wat d'r Herrjot oos hat tse zage.

Vuur hant noa 't evangelium kinne huure.
Mit die woäd wil d'r Jezus oos laeve stuuere.

Doa is 't leed vaan inge miensj mit laam bee,
En taegen zoene miensj zaet d'r Jezus noets nee.
Hae geniest dae erme maan
En zurgt dae hae werm loape kaan.

Mèr d'r Jezus will oos ooch genaeze vanne kraankheet
dat me siech ongereed leed aadeed.
Luuj kinne, durch ziech tse peste en tse ploage,
um leed en ruze vroage.
Huuw wil d'r Jezus oos doe versjtoa
dat jeluk mië is, daan alling mit sieng bee tse kinne joa.
Os hats is duks laam, hel en koad
En hat vuur jinge nog ee vrunteliech woad.
En wae op anger luuj neerkiekt en mèr wiechtig deed
Dae maacht uveral ruze en bringt veul leed.

Vuur losse os ooch duks ongereed im stiech
En veul luuj laeve alling noch mèr vuur ziech.
Jebroechte vuur oos bee nit um inge tse bezukke
en zië leed mit tse drage tse verzukke,,
daan zunt vuur laam vaan hats en hant jee mitlaeve.
Daan mosse vuur d'r Jezus vroage oos tse verjaeve.

Jesonk is dae nit alling jebroecht zieng bee
mèr sich ooch wil helpe ongereed.
Jesonk is, wae hat ee jot woad
en vrunteliech bliet en op jinge koad.
Dae sieng bee nit broecht vuur siech alling
Mer um inge angere tse bezukke, zoeveul wie hae kin.

Iech wees, dat ste d'r Jezus alling verstees,
wenn ste ooch in d'r Jezus jeluve dees.
Wenn ste diech baens en vraogs um jowwe mod
um inge oprechte miensj te zie, integer en jod.
Wenn ste bij Maria ee weesjroet jees baene
En vraogs dat d'r Herrjot oos allemoal will zaene.
Wenn ste bei de Modder Joades ing kerts liets brenne
en heur vraogs um wer d'r taegen tse kenne.
Wenn ste d'r Herrjot nit verjaese wilt
mèr diech ooch kirchlich neume kinst.
Wenn kirch en durp diech interesseere dunt
En de luuj diech aan 't hats ummer junt.
Wenn ste jereed wilt stoa vuur jonk en oad
Wenn ste vuur jidderinge has een vrunteliech woad:

Daan huure vuur op mit alling mer aan ooszelf tse dinke
Daan junt vuur ooch werm noa d'r noaber winke.

Daan waet oos durp d'r himmel oppen aed
Daan blijft Vlorp ziene jowwe naam ummer waed.
Daan viere vuur carnaval, in de stroasse en oppene maat.
Daan is Vlorp, zoe wie d'r Herrejot 't how jedaat. Amen.